



Government of Samoa

## MINISTRY OF NATURAL RESOURCES AND ENVIRONMENT *Matāgaluega o Puna'oa Faalenatura ma Siosiomaga*

Level 3, Tui Atua Tupua Tamasese Efi Building  
(TATTE), Sogi., P.O Private Bag, Apia, SAMOA  
Website: <http://www.mnre.gov.ws/>

Telephone: (+685) 67200  
Fax: (+685) 23176  
Email: [info@mnre.gov.ws](mailto:info@mnre.gov.ws)

*Please address all correspondence to the Chief  
Executive Officer, Private Bag, Apia, Samoa.  
Faamolemole faatuatausi uma mai fesootaiga  
uma i le Ōfisa Sili*

### **FA'ASILASILAGA MO LE FA'AMUTAINA ONA TOE FA'AOFI MAI MA FA'AAOGAINA TAGA PEPA IILA 2019**

E tusa ai ma le Tulafono Autū o le Pulega o Otaota 2010, ua pasia nei e le Kapeneta le Tulafono Fa'atonutonu o le Puleaina tatau o Otaota (Taga Pepa Iila) 2018 e pulea gafataulima ai fa'afitauli mafua mai i otaota tau taga pepa iila i totonu o le Atunuu, ina ia fa'amāmāina le siosiomaga lautele aemaise o le puipua o le fa'alapisi e a'afia ai le siosiomaga o le gataifale ma le sami.

O lea, e fofoga aloaia ai le paia o le atunuu i tagata nuu uma, aemaise le au fai pisinisi e faapea: O le Tulafono Fa'atonutonu mo le Puleaina o Otaota (Taga Pepa Iila) 2018, o le a fa'asāina ai le toe aumaia, gaosia, toe faatau atu i atunuu i fafo, toe fa'atauina ma le tufatufaina atu o Taga Pepa Iila fai fa'atau (shopping bags), taga pepa iila e tuu ai faatau (packing bags) ma oloa mo le inuina o vaiinu (straws) e amata mai I le Aso 30 Ianuali 2019.

O Taga Pepa Iila fai fa'atau o loo aiaia i lalo o le Tulafono, e aofia ai soo se taga pepa iila faifaataa e gaosia mai i se vaega, poo le vaega atoa o ituaiga vailaau eseese (full petroleum or additive) mo le faatauina ai o oloa, faapea foi le teuina ai o oloa. O Taga Pepa Iila o loo teuina ai oloa poo plastic packing bags, o loo aofia ai pepa iila teu oloa mo le toe faaogaina lea e tuu i ai oloa fa'atau faatasi ai ma le teuina ai o oloa.

O ia taga pepa iila teu oloa, o le a lē aofia ai le fa'aogaina lea mo teuina o oloa mo le saogalemu o mea taumafa fa'atasi ai ma ituaiga oloa e alaga tatau ona fa'aogaina ai ia ituaiga taga pepa tuu oloa mo le malu puipua ma ia lelei oloa mo taumafa tuu aisa o loo fa'atau i faleoloa i totonu o le atunuu, e pei o aano o manu fasi, o aisa kulimi (ice cream), aisa mo vaiinu (ice cubes), oloa gaosia i Samoa e pei o pepa chips gaosia mai fai, talo ma isi, kekesaina, ava, masi e gaosia i Samoa nei, o le faaogaina mo le tuu malu ai o kofe, lautī, suka, falaoa mata ma koko Samoa.

E fa'ailoa atu foi mo le silafia, o le a amata ma fa'aauau galuega a le Matagaluega e mata'itūina ai le usitaia o lenei Tulafono mai le Aso 30 Ianuali 2019, ina ia mautinoa le usitaia o vaega uma o le Tulafono Faatonutonu.

O le lē usitaia o vaega uma o le Tulafono e pei ona faailoa atu, e mafai ai ona fa'asalaina oe i se fa'asalaga e lē sili atu ma le SAT\$10,000 tala.

Mo nisi fa'amatalaga e fia manino ai, fa'amolemole fesootai mai le tatou Matagaluega mo Seumaloisalafai Lalau Afelē Faiilagi, poo Aliimuamua Setoa Apo, o le Vaega o Siosiomaga ma Fa'asao, telefoni 67200.

Faia ma le fa'aaloalo tele

Ulu Bismarck Crawley  
**Ofisa Sili**

